

## ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԵՐԵՎԱՆ ՔԱՂԱՔԻ ԱՎԱԳԱՆԻ

«-----» սեպտեմբերի 2013թ.

N-----Ա

### ՈՐՈՇՈՒՄ

#### ԵՐԵՎԱՆ ՀԱՄԱՅՆՔԻ ՍԵՓԱԿԱՆՈՒԹՅՈՒՆ ՀԱՄԱՐՎՈՂ ԲՆԱԿԱՐԱՆՆ ԱՆՀԱՏՈՒՅՑ ՕՏԱՐԵԼՈՒ ՄԱՍԻՆ

Ղեկավարվելով Հայաստանի Հանրապետության քաղաքացիական օրենսգրքի 34-րդ գլխի կանոններով, Երևան քաղաքի ավագանու 2012 թվականի դեկտեմբերի 25-ի հ. 580-Ն որոշմամբ հաստատված հավելվածի 3-րդ կետով՝

#### **Երևան քաղաքի ավագանին որոշում է.**

1. Թույլատրել Երևանի քաղաքապետին Երևան համայնքի սեփականությունը համարվող Դավթաշեն 1-ին թաղամասի հ.10 շենքի հ.57՝ 64.9քմ. մակերեսով բնակարանը (անշարժ գույքի նկատմամբ իրավունքների պետական գրանցման 09.04.2013թ. հ.09042013-01-0162 վկայական) սեփականության իրավունքով անհատույց օտարել (նվիրել) Սարգիս Գրիգորյանին:

ԵՐԵՎԱՆԻ ՔԱՂԱՔԱՊԵՏ

Տ. ՄԱՐԳԱՐՅԱՆ

## Տ Ե Ղ Ե Կ Ա Ն Ք - Հ Ի Մ Ն Ա Վ Ո Ր ՈՒ Մ

### «ԵՐԵՎԱՆ ՀԱՄԱՅՆՔԻ ՍԵՓԱԿԱՆՈՒԹՅՈՒՆ ՀԱՄԱՐՎՈՂ ԲՆԱԿԱՐԱՆՆ ԱՆՀԱՏՈՒՅՑ ՕՏԱՐԵԼՈՒ ՄԱՍԻՆ» ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ ՆԱԽԱԳԾԻ ԸՆԴՈՒՆՄԱՆ ԱՆՀՐԱԺԵՇՏՈՒԹՅԱՆ ՄԱՍԻՆ

Սարգիս Գրիգորյանը դիմել է Երևանի քաղաքապետարան Երևան համայնքի սեփականությունը համարվող Դավթաշեն 1-ին թաղամասի հ.10 շենքի հ.57՝ 64.9քմ. ընդհանուր մակերեսով իր ընտանիքի կողմից զբաղեցրած բնակարանը սեփականության իրավունքով անհատույց օտարելու (նվիրելու) խնդրանքով:

ՀՀ կառավարությանն առընթեր անշարժ գույքի կադաստրի պետական կոմիտեի աշխատակազմի տեղեկատվական տեխնոլոգիաների կենտրոն ստորաբաժանման ղեկավարի 03.05.2013թ. հ.ԿԻՍ-2/3113 գրության համաձայն Սարգիս Գրիգորյանի անվամբ Դավթաշեն 10-րդ փողոցի հ.2 հասցեում գտնվող բնակելի տան նկատմամբ գրանցված է համատեղ սեփականություն: ՀՀ ոստիկանության անձնագրային և վիզաների վարչության Դավթաշեն անձնագրային խմբի կողմից 15.05.2013թ. տրված 22/1468 գրության համաձայն՝ Դավթաշեն 10-րդ փողոցի հ.2 հասցեում հաշվառված են 12 անձ:

Համաձայն Դավթաշեն վարչական շրջանի <<Բնակարանային ֆոնդի և կոմունալ տնտեսություն>> ՓԲԸ-ի կողմից 29.07.2013թ. տրված հ.96 տեղեկանքի Դավթաշեն 10-րդ փողոցի հ.2 հասցեում գտնվող բնակելի տանը փաստացի բնակվում են 18 անձ: Թեև Սարգիս Գրիգորյանը հանդիսանալով նշված բնակարանի համասեփականատեր բնակարանային պայմանների կարիքավորությունից ելնելով 2000 թվականից իր ընտանիքով տեղափոխվել են Դավթաշեն 1-ին թաղամասի հ.10 շենքի հ.57 ոչ բնակելի տարածք:

Համաձայն <<Դավթաշեն 1/2>> համատիրության նախագահի կողմից տրված տեղեկանքի, վերջիններս իրենց միջոցներով կատարել են վերանորոգման և բարեկարգման աշխատանքներ, և 2000 թվականից սկսած վճարել են կոմունալ և սպասարկման վճարումները:

Դավթաշեն վարչական շրջանի <<Բնակարանային ֆոնդի և կոմունալ տնտեսություն>> ՓԲԸ-ի կողմից 10.07.2013թ. տրված տեղեկանքի համաձայն Սարգիս Գրիգորյանի ընտանիքը՝ 5 անձով՝ ինքը, կինը և երեք անչափահաս երեխաները փաստացի բնակվում են Դավթաշեն 1-ին թաղամասի հ.10 շենքի հ.57 բնակարանում:

Երևանի քաղաքապետի 02.04.2013թ. հ.1376-Ա որոշմամբ ոչ բնակելի տարածքի գործառական նշանակությունը սահմանվել է բնակելի և հանվել է ոչ բնակելի ֆոնդից: Ներկայումս նշված հասցեում գտնվող բնակարանը հանդիսանում է Երևան համայնքի սեփականությունը (անշարժ գույքի նկատմամբ իրավունքների պետական գրանցման 09.04.2013թ. N 09042013-01-0162 վկայական):

Երևան քաղաքի ավագանու 2012 թվականի դեկտեմբերի 25-ի հ.580-Ն որոշման հավելվածի /Ծրագրի/ 3-րդ կետի համաձայն՝ Երևան քաղաքի սեփականություն համարվող գույքը կարող է անհատույց օտարվել միայն Երևան քաղաքի ավագանու որոշմամբ, բացառությամբ Ծրագրի 4-րդ կետի:

Ծրագրի 4-րդ կետով նախատեսված իրավական և/կամ փաստական հանգամանքների առկայության դեպքում Երևան քաղաքի սեփականություն համարվող բնակարանները, բնակելի տները և բնակելի տարածքները կարող են սեփականության իրավունքով անհատույց փոխանցվել քաղաքացիներին Երևանի քաղաքապետի որոշմամբ:

Հաշվի առնելով այն հանգամանքը, որ տվյալ դեպքում բացակայում են Երևան քաղաքի ավագանու 2012 թվականի դեկտեմբերի 25-ի հ.580-Ն որոշման հավելվածի /Ծրագրի/ 4-րդ կետի 1-ից 7-րդ ենթակետերով նախատեսված իրավական և/կամ փաստական հանգամանքները, ուստի ք. Երևան, Դավթաշեն 1-ին թաղամասի հ.10 շենքի հ.57 հասցեում գտնվող գույքի անհատույց օտարման մասին որոշումը կարող է ընդունվել միայն Երևան քաղաքի ավագանու կողմից:

Ելնելով վերոգրյալից՝ Երևան քաղաքի ավագանու քննարկմանն է ներկայացվում սույն որոշման նախագիծը:

**ԵՐԵՎԱՆԻ ՔԱՂԱՔԱՊԵՏ**

**Տ. ՄԱՐԳԱՐՅԱՆ**

## Տ Ե Ղ Ե Կ Ա Ն Ք

**«ԵՐԵՎԱՆ ՀԱՄԱՅՆՔԻ ՍԵՓԱԿԱՆՈՒԹՅՈՒՆԸ ՀԱՄԱՐՎՈՂ ԲՆԱԿԱՐԱՆՆ  
ԱՆՀԱՏՈՒՅՑ ՕՏԱՐԵԼՈՒ ՄԱՍԻՆ» ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ  
ՆԱԽԱԳԾԻ ԸՆԴՈՒՆՄԱՆ ԱՌՆՉՈՒԹՅԱՄԲ ԱՅԼ ԻՐԱՎԱԿԱՆ ԱԿՏԵՐԻ ԸՆԴՈՒՆՄԱՆ  
ԱՆՀՐԱԺԵՇՏՈՒԹՅԱՆ ԿԱՍ ԲԱՑԱԿԱՅՈՒԹՅԱՆ ՄԱՍԻՆ**

Երևան քաղաքի ավագանու «Երևան համայնքի սեփականություն համարվող  
բնակարանն անհատույց օտարելու մասին» որոշման նախագծի ընդունման  
առնչությամբ այլ իրավական ակտերի ընդունման անհրաժեշտություն չի առաջանում:

ԵՐԵՎԱՆԻ ՔԱՂԱՔԱՊԵՏ

Տ. ՄԱՐԳԱՐՅԱՆ

## Տ Ե Ղ Ե Կ Ա Ն Ք

«ԵՐԵՎԱՆ ՀԱՄԱՅՆՔԻ ՍԵՓԱԿԱՆՈՒԹՅՈՒՆԸ ՀԱՄԱՐՎՈՂ ԲՆԱԿԱՐԱՆՆ  
ԱՆՀԱՏՈՒՅՑ ՕՏԱՐԵԼՈՒ ՄԱՍԻՆ» ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ  
ՆԱԽԱԳԾԻ ԸՆԴՈՒՆՄԱՆ ԿԱՊԱԿՑՈՒԹՅԱՄԲ ԵՐԵՎԱՆԻ ԲՅՈՒՋԵԻ  
ԵԿԱՍՈՒՏՆԵՐՈՒՄ ԵՎ ԾԱԽՍԵՐՈՒՄ ՍՊԱՍՎԵԼԻՔ ՓՈՓՈԽՈՒԹՅՈՒՆՆԵՐԻ  
ՄԱՍԻՆ

Երևան քաղաքի ավագանու <<Երևան համայնքի սեփականություն համարվող  
բնակարանն անհատույց օտարելու մասին>> որոշման նախագծի ընդունման  
կապակցությամբ Երևանի բյուջեի եկամուտներում և ծախսերում փոփոխություններ չի  
առաջանում:

ԵՐԵՎԱՆԻ ՔԱՂԱՔԱՊԵՏ

Տ. ՄԱՐԳԱՐՅԱՆ